





**De Von der Papisten
Lauff / vnd andern Caeremonien
oder Kirchendiensten / ob die nach er-
lanter vnd angenomener Warheit / durch
jemand Christlich zu besuchen
vnd zu gebrauchen sein.**

**Durch einen Prediger in Ober-
deutschland gestellet.**

**Mit einer Vorrede Nicolai Gal-
li / denselben handel betreffend.**

THE UNIVERSITY OF CHICAGO

LIBRARY

540 EAST 58TH STREET

CHICAGO, ILL. 60637

THE UNIVERSITY OF CHICAGO

LIBRARY

540 EAST 58TH STREET

CHICAGO, ILL. 60637

Vorrede Nicolai Galli :

Es ist vnser etlichen die Frage dieses Büchleins fast vor zweien Jaren nicht wenig angelegen gewesen / Ob Christen / nach dem sie vom Papstumb in der Religion einmal ganz abgesondert sind / vnd ihnen jr öffentlicher warer Kirchendienst durch den gewalt wird gesperrt / sich der Papisten oder Interimisten widderumb mögen gebrauchen inn etlichen nöthigen stücken/ als sonderlich mit den heiligen Sacramenten/ der Tauffe/ Absolution / des HErrn Abendmals / vnd mit einleitung vnd einsetzung der Eheleut: Oder aber/ was ihnen sonst in diesem vnd andern Kirchendienst für sich selbs Christlich zu thun sey. Weil wir aber dazumal noch immer der besserung warteten / auch etlicher Christlicher Leut bedencken/ vnd vnser Beslagerung mit einfielen / So haben wir es noch bisher lassen anstehen / deshalb vnser meynung zu eröffnen.

Dargegen sehen wir nu jezund / wie es leider zugehet/ sonderlich inn Ober Deudschland / da entweder das Interim oder das ganz Papstumb völlig wider auffgerichtet wird/ vnd die Christen der Augspurgischen Confession verwandt/ zum mehrer teil gar keinen eignen Kirchendienst nicht mehr haben/ vnd zu besorgen/ das solches durch das gegenwertige Trentische Antichristische Conciliabulum je länger je weiter einreissen / auch etwan an vns inn diese Lande gereichen möchte.

Nachdem derhalben die grosse not vieler Christenlichen gewissen jetzt diese Frage selbs auff die bahne bringet / aus Gottes wort rath suchet vnd begeret / Wir auch deshalb von namhaftigen örten vnd Personē

angelangt werden/so haben wir vnser meining hierauff
denselben vnd andern Christen/so es bedürffen zu gute fer-
ner nicht wissen zuuerhalten / vnd nachfolgendes Büch-
lein eines Christlichen verлагten Predigers darauff inn
Druck geben / welches meining mit der vnsern vnd vnser
mit deselben meining dieser Fragen halben oberein stim-
met / gleich wie Gottes Wort vnd die warheit mit allen
dingen einig ist vnd stümmet / Vnd zu mehrer bezeugung
vnd erklerung solcher einigkeit / hab ich etliche fürnampste
gründe dieses handels alhie inn dieser Vorrede mit eignen
worten kurz mit einführen wollen/ wie volgt.

Erstlich/so der Bapst der Antichrist vnd gewel der
verwüstung ist/so bisher im Tempel Gottes gessen/dar-
für er ia gewis vnd gewaltig aus Gottes Wort in vnsern
Kirchen ist erklet worden/ vnd sich darauff vnser Kir-
chen nach demselben Wort vnd Befehl Gottes mit recht
vnd aus not von ihm abgesondert haben/ vnd also zwo
vnterschiedliche Kirchen nu worden sind / als Christi vnd
des Antichrists Kirchen/So volget vnwidderprechlich
das die waren abgesonderten Christen nimmermehr mit
dem Bapst widerumb eine Kirche werden können oder
sollen/innerlich oder eusserlich/inn grossen oder Kleinem /
inn vielen oder wenigem/ sonder sollen vnd müssen ewig
von im abgeschnitten/gesondert vnd zwo widderwertige
Kirchen bliben/vnd werdens bliben bis an Jüngsten tag/
wie die Schrifft zeugt / Vnd mus mit dieser sonderung
zum wenigsten nicht anders zugehen / denn es gangen ist
vnd noch gehet/seid der zeit der Apostel her mit der son-
derung der Christen vnd Jüden/welche inn den öffent-
lichen Kirchendiensten gar vberal keine gemeinschafft
miteinander haben / ob sie gleich viel stück der Lehre vnd
Religion sonst miteinander ein jedes Teil für sich inn
seiner versamlung gemein haben .

Dis

Dis ist ein starcker gewisser grund bey den abgeson-
 derten Christen/das sie bey den Bapisten vñ Interimisten
 gar keinen kirchendienst. für sich selbs oder für die ihren/
 wie gros die not noch immer sey / mehr suchen oder
 brauchen können/Denn einem Christen hierin keine gröss-
 re not fürfallen kan / denn das er sich hute für Verleug-
 rung/Abfal/ vñ Abgötterey/die mit solchem besuchē oder
 brauch der Bapistischē kirchendienste werden begangen/
 Weil aber vnserē Adiaphoristen zum teil / entweders
 durch heucheley/vñ nie von hertzen den Bapst zuuor für
 den Antichrist gehalten haben/oder jzt durch ein andere
 heucheley wider ihr gewissen vñ vorige bekentnis ihn of-
 fendlich nimer dafür dörfen bekennen / zum teil so sie
 ihn je noch dafür etlicher massen bekennen / doch wider
 die natürliche Volge vñ alle vernunft sich mit im raten
 vñ selbs unterstehn zuuergleichen / So werden sie dieser
 hohen vñ nötigen fragen halben nicht gros bedenkens
 haben/ vñ den bedrangten Christen / deren orten da sie
 keine eigne Kirchen mehr haben / stracks raten / die
 Tauff/ Absolutio/ vñ Einsegnung der chelet wider bey den
 Bapisten/des Herren abentmal vñlleicht auch bey den In-
 terimisten zuempfangen. Aber las dir ihren rat lieber
 Christ darumb nicht bald zu wol gefallen/das er leichter
 zuthun ist/wie alle ihre handlungen jzt fast dahin gerich-
 tet sind/ das sich die bekentnis Göttliches worts mus bey
 ihnen knicken/lassen/wie sie nur selbs wollen / gefehrlichkeit
 vñ verfolgung zuuermeiden/ Sondern kanstu vnserm be-
 dencken nach Gottes wort hierin aus schwachheit noch ni-
 cht volge/so erkenne aus obgedachtem grunde doch deine
 sünde/ vñ rechtfertige sie nur nicht erst mit ihrer heuch-
 ley/zu grösserer deiner verdammnis / deiner sage ich/ nicht
 aber des zuträglichen kindleins/welchem/so es gleich von
 Bapisten getaufft wird/deine heucheley / verleugung vñ
 abfal

abfal hiemit nichts vberal vermag seiner seelen zu schaden.

Zum andern/so nu mit dem vorigen Grunde erwiesen/vnd vnwiddersprechlich war ist/das die bestendigen abgesonderten Christen/ keines Kirchendienstes bey dem Babst mehr können gebrauchen/ So ist weiter vnwiddersprechlich das auch war /das Christen one Gottes wort vnd Sacrament für sich vnd die ihren/von wegen des ewigen lebens/vnd von wegen des zeitlichen/ one kündliche bestetigung der Eheleut gar nicht sein können.

Zum dritten/so ist weiter war vnd vnwiddersprechlich/das der gewalt der Schlüssel/darein auch gehört der beruff der Kirchendiener/eigentlich ist der waren Kirchen/das ist / der rechtglaubigen vnd bekennenden Christen. Derhalben/so die jenen als die Oberkeit/ welche ihnen als Mitchristen / auch nu ampts halben/ zu beruffung rechter Kirchendiener behülfflich sein solten / solches nicht thun/noch thun wollen/oder selbs Verfolger werden/Ehe denn die rechtglaubigen vnd bekennenden Christen sich mit verleugnung/abfall/vnd abgötterey des Babsts beflecken/ oder der nötigen Kirchendienst für sich vnd die ihren ganz solten geraten/so sollen sie ihres gewalts / den sie on mittel von Christo darzu habē/izt selbst gebrauchē/ ihnen ihre eigne tüchtige diener zu solchem ampt auff gemeine ihre gefahr eruelen/ beruffen / bestetigen / vnd haben.

Zum vierden / so ist abermals war vnd vnwiddersprechlich/ das alle Christen für Gott selbst Priester sind/vnd derhalben so ihrer viel keinen gemeinen Diener haben können oder wollen/das ein jeder als denn mit eigner gefahr seinen eignen habe/das ist/der nötigsten priestertlichen ampter im heusern einer gegen den andern selbs brauche/ da er durch den beruff seines Väterlichen oder Hausherrn ampts/ oder durch die Christliche lieb inn der
not

not/von Gott/ oder dem Nächstē / darzu wird erfor-
dert.

Ich sage aber ausdrücklich in den nötigstē emptern/
den gleich wie wirs von hertzen vngern vnd allein aus der
allerhöchsten not gedrungen/ nemlich der verleugung/
abfals/vnd abgötterey auff der einen seiten/ auff der an-
dern seiten vnserer selbs eignen seligkeit halben/von der ge-
breuchlichen öffentlichen ordnung des kirchendienstis mü-
ssen abweichen vnd eigne haben / also wollen wir nie-
mands raten/einiges stücks eigenes Kirchendienstis/in Ge-
mein oder bey den seiten allein/ one dieselbe vnuermeidens-
liche höchste notdurfft sich zu vnterfangen. Die nötigsten
stück aber inn eines jeden Behauptung gegen einander selbs
zu gebrauchen / sind fast diese vier/ nemlich die Predig/
Tauf/ Absolution/ vnd Ehebestatigung / damit wir die
Begrebnus nicht wollen ausgeschlossen haben.

Das Abendmal des H. Erren für sich selbs/ weil es
fürnemlich zu sterckung des Glaubens eingesetzt ist / vnd
zu demselben die Geistliche niessung durch wort vñ Glau-
ben/wo man es leiblich öffentlicher weise nicht habē kan/
sonst mercklich dienet / wie Augustinus hievon spricht
Crede & manducasti. Gleube nur/so ist es fast so viel/als
hettestu sein leiblich genossen / So kan es bey dem mehrer
teil der Christen noch wol so viel verzug leiden / Weil sie
es in ihrer oder in einer andern Gemein öffentlich nicht
haben können / das sie es vnter sich selbs dohime zuneh-
mpfangen noch zur zeit sich enthalten mögen/ Damit auch
der schädliche Bapistische misverstand/ aus etlicher
hertzen vollendes gerissen würde/als sey nicht allein die jer-
liche empfangung dieses heiligen Sacraments nötig zur
seligkeit / sonder als wircke auch die Niessung für sich
selbs einem ieden die seligkeit/ex opere operato, damit al-
lein das er es empfehet. Doch wie ich noch zur zeit nie-

mand heissen oder raten wil / sich der reichung des Sa-
craments doheimen gegen den seinen oder andern dieses
fals zuunterfangen/ also wil ich dargegen niemands ver-
teilen/ das es einem angefochtenen Christen in solcher not/
darinnen er es nicht entberen wolte oder köndte / reichen
dürffte/ vnd sonderlich/ wenn diese verfolgung lang weren
solte/ so müsten die waren Christen dieses schatzes / wenn
sie auff diese weise vnd nicht anders könten dazu komen/
warlich nicht ewig beraubt sein. Sich selbs aber in win-
ckeln zu Communiciren wüßte ich niemands auff irgend
einen fal leichtlich zu billichen. Denn es heist/ So oft ihr
von diesem brod esset/ vnd von diesem Kelch trincket/ solt
ihr des Herren tod verkündigen/ welchs von einer öffent-
lichen bekennnis gesagt ist.

Dis ist also die Summa vnfers bedenkens vnd der
fürnempten gründe obgedachter fragen halbes/ wes sich
die bestendigen bekanner Christi Christlich auff abschaf-
fung ihrer öffentlichen reinen Kirchendienste sempelich
oder sonderlich/ mit Predigen/ Teuffen/ Absoluiren/ Sa-
crament reichen vnd Ehe bestatigen / neben dem Babs-
stumb oder Interim halten mögen vnd sollen / vnd stim-
men damit auch die Exempel der heiligen bekennen vnd
marterer im alten vnd neuen Testament zu der Patriar-
chen/ Nachabern/ Aposteln/ vnd nachfolgender zeit/ welche
die reinen Gottesdienste für sich rein behalten vnd gepflegt
haben in welden vnd heusern/ mit den ihren allein / wie
es die zeit der verfolgung geben hat / Vnd haben sich nie
mit denn Heiden oder Verfolgern in Religions sachen ich-
tes wollen vermischen, So ist öffentliche verfälschung des
rechten waren Gottesdiensts vernüßig des ersten vnd an-
dern gebots eben so wol ein vrsach zu fürnennung eigens
waren Kirchendiensts / als wenn kein öffentlicher dienst
jrgendes fürhanden/ Darauff wir bisher vnser Kirchen-
dienste auch recht haben von des Babsts Kirchendiensten
abgesondert/ vnd für vns die vnsern allein gehalten.

Was nu hieroder als Contra turbationem ordinis
vnd Schisma / von zerrüttung ördentliches gewalts vnd
newen trennungē mag fürgeordnet werde/ist vorher von
den Vnsen längst gründlich vnd gewaltig genug verlegt/
des wir vns alles hie auch zugebrauchen haben.

Gefährlichkeit der Secten vnd eines bösen Exempels/
mag auch Gottes gebot das gebiet Abgötterey zu fluchen/
nicht auffheben/noch die waren Christen in solcher not
der nöthigen Kirchendienste allerding entsetzen. So sol
gleichwol zu verhütung solcher gefährlichkeiten / vnd zu
widerbringung der gewöhnlichen besten Ordnung / der
eigen gebrauch nöthiger Kirchenempter bey priuat perso-
nen nicht lenger weren/denn so lang die eusserste not vnd
verfolgung weret/vnd so lang kein öffentlich rein Kirch-
enempte mehr bey ihnen vorhanden/gleich wie auch dies
selbige verenderung vnd eigener brauch der Kirchenempter/
niemand ehe noch weiter Christlich kan gestattet werden/
es sey denn der öffentlich gemein Kirchendienst / wie jzt
im Papstumb vnd Jterum / mit Abgötterey ganz vnd
gar verfelschet/Vnd nicht vmb jeder mengel vnd gebrech-
en willen / die ihm ein jeder zur vrsach der absonderung
vñ eigens Kirchendienstes selbs möchte erdreumen/oder da
gleich etliche mengel da weren/ihm darzu möchte genug-
sam achten.

Die vbrige gefahr leibs vnd guts/welche nicht ge-
ringe / beide von Freunden vnd Feinden hierauff stehen
wird/die kan nicht allein keine vrsach sein/darumb Chris-
sten sich des Papsts Kirchendienste widerumb teilhaff-
tig machen / vnd die eignen in solcher geistlichen not ligen
lassen wolten/sondern ist viel mehr ein proba vnd beweis
ihrer bekentnis/Denn in solcher gefahr erscheinet allererst
recht/wo der Christlich glaub vnd bekentnis im hertzen
ein rechter ernst ist. Daher auch allein die für Bekenner in
der Kirchen historien allenthalben gerühmt werden/wel-
che mit

che mit ihrer Bekenntnis solche gefahr ausgestanden/gleich wie die allein Märtyrer gepreist werden/die letztlich auch ihr blut darüber vergossen haben.

Vnd weil es Papisten vnd Interimisten/ist fast bereit/wo sie zu regieren haben vnd mechtig sind / nicht das bey lassen bleiben / das frome Christen sich mit dem gebrauch etlicher der allernötigsten Kirchendienst bey ihnen müssen beflecken/sondern dringen immer weiter auff sie/ vnd müssen/welche sich mit der Tauff vnd einleitung der Eheleut eingelassen haben/hernach weiter vnd gröblicher gegen ihnen einlassen/oder stehen eben in derselben gefahr/der sie von ersten hetten gewarten müssen/so sie sich ihres Kirchendienstes allerding excussert hetten/ So wird ja ein jeder Christ hieraus leichtlich von ihm selbs zu schließen haben/sol einer je etwas wagen vnd leiden vmb der Bekenntnis Christi willen / so sey es so mehr vmb die ganze reine Bekenntnis mit gutem reinem gewissen/denn vmb ein stück derselben / mit beflecktem bösem gewissen/ober kurz oder ober lang / gelitten.

Ob wir nu wol bedencken/das wir (sonderlich ist bemeltet vrsachen halben der gefahr) wenig Jünger oder Volger / Meister aber vñ Richter dieser lehr gnusam worden habē/ wie denn der rechten Bekenner in der not alweg wenig gewesen/vnd die warheit Göttlichs worts/wenn sie in irgent einem stück den Blüglingen vnd Heuchlern sonderlich etwas new ist/sich gar wädlich meistern vñ richten mus lassen/ So gnüget vns doch daran/das wir Gottes wort vnd willen/denen die da volgen wollen/vnd von Gott gnad haben/hiemit haben angezeigt/Göttlichehre vnd etlicher gewissen/dadurch helfen zuerwarten. Wir zweiffeln auch nicht / es werde die warheit Göttliches worts hierin nicht gar vergebens durch vns dargahan werden. Derselbig Gott wolle vmb Christi vnsers newgebornen lieben Ermanuels willen / seiner armen Kirche
widder

widerumb gnebigе ruge oder aber viel stantthafftige Be-
kenner / vnd da er nach seinem wunderbarlichen rat vnd
Vetelichen willen / je noch mehr jzt wolte verhängen/
trewе teure Martirer für seinem angesicht geben. **ANLEIT.**
Was hie in dieser Vorredeist zu kurz angezogen wor-
den von angestelter frage/wird fast eben dasselbig in vol-
gendem Büchlein etwas weiter gehandelt. Wir sind aber
auch erbötig/was dieser sachen in beiden schriften
zu wenig geschehen / aus Gottes wort/so offft
es von nöten / beweis vnd erklärung/
ahweg nicht zu geben.

Tripar. Hist. lib. 7.

Reiser Valens war den rechtglaubigen Chris-
ten feind/vnd Verfolgete alle/die es nicht
wolten mit den Arianern halten / Wie er
nu ein mal gen Edessa in Mesopotamia kömpt/
vnd höret / das die Christen alda noch ein reine
Kirche haben / wird er zornig / vnd schlegt den
Heubtman des Orts ins maul / darnumb das
er die rechtglaubigen so lang alda gelitten hette.
Weil aber der Heubtman noch nicht gern so viel
vnschuldiger leut tödten wolte/ lies er sie heimlich
warnen / das sie bey leibe sich nicht mehr in der
Kirchen solten beysamen finden lassen. Welchen
die Leutelein hierin nicht gehorchten/vnd kamen
nichts beste weniger volgendes tages vnerschro-
cken zum Gottesdienst wider zusamen/wie sie zu-
vor gepflegt hatten. Als nu der Heubtman den
Kaiser mehr denn Gott fürchtete/vñ mit Kriegs-
volck wol gerüstet zur Kirchen zurnckte / des Kai-
sers befehl an den armen Christen auszurichten/
Da begegnet ihm gleich ein weib mit ein jungen
Kneblein

knablein / das sie bey der hand fürete/vnd auch zur Kirchen zu eilte. Dieselbige fragt der Deupman wo sie hin wölle / ob sie nicht wisse wie es denen in der Kirchen jtz gehen werde/ Darauff sie ihm antwortet/ja ich weis es wol / denn darumb eile ich/damit ich nicht verseume/neben andern Christen/ vmb Christi willen zu sterben.

Spricht der Deupman wider / sie sol doch das Kind von ihr thun/damit desselben verschonet werde. Das wolte die mutter auch nicht thun/sondern sprach/Mein Kind sol der gnaden nicht beraubt werden/sein blut vmb Christi willen mit vns andern jtz zuvergiesen.

Diese geschicht bewegte den Deupman dem Keiser anzuzeigen/wie der gantz hauff so bereit /ja auch begirig were/für ihre Religion mit einander zu leben vnd zu sterben/vnd das es nicht zuuerantworten stünde/so viel fromer leut vmb solcher vrsachen willen/dermassen wie das Viehe zu schlachten. Erweichete damit auch des Keisers gemüt/das er seinen zorn sincken / vnd die zu Edessa weiter nicht verfolgen liesse. Also kan Gott noch hentigs tages so viel mittel schaffen der seinen etliche / wo nicht alle/ in der eussersten not auch leiblich zu erretten/vnd bey dem öffentlichen reinem Gottesdienst zuerhalten/wenn wir nur auch so viel glaubens vnd muts haben könten/durch die Bekenntnis beysamen im wort feste zustehen/auff Gott vnd vmb seinen willen etwas ooder alles zuwagen / Das helffe vns der trewe Dailand vnser lieber Herr Ihesus Christus /
AMEN.

Von

Von der Papisten Tauff vnd andern
Ceremonien oder Kirchendiensten / Ob die
nach erkanter vnd angenommener warheit
durch jemand Christlich zubefuchen/
vnd zu gebrauchen seien.

Nach dem wir von Gott
dem Herrn durch gnadenreiche vnd
barmherzige erleuchtung seines heiligen
worts aus der jemerlichen irrigen vnd ver-
terblichen finsternis vnd last des greuelich-
en Antichristlichen Römischen Bapstthums erlöst / vnd
zu warem ewigen vnserm fried vnd heil lange zeit her ge-
führt vnd erhalten / Vnd aber / fürnemlich vmb vnserer
schendlichen vndanckbarkeit vnd anderer beharlichen sch-
weren sünden willen / vnd darneben das in den Außers-
welten der glaub mit beständiger bekennnis vnd andern
Gotteseligen seinen fruchten vnd wercken zu Gottes Ehr
vnd erbarung der Kirchen desto mehr gaibe / vnd als
warhafftig vnd lebendig offenbart vnd bewat / vnd her-
gegen der falsch Christlich hauff mit schanden entdeckt
vnd gereutert werde / Deselben seines Göttlichen Worts
öffentlicher ruiger predigt / sampt dem Seligen vñ tröst-
lichen gebrauch der waren Hochwürdigen Sacrament /
aus gerechten seinem zorn vnd Urteil jezo lader widder
ensatz vnd beraube worden sind. So gebürt vns nun/
vnd erfordert die hohe not / aus Gottes Wort / als der
einigen ewigen Warheit vnd gewissen Reichthums / mit
allen fleis gründlich zu erforschen / vnd zu wissen / ob wir
nach erkanter vnd angenommener Warheit / fúrter in das
Bapstthum vmb die selige Tauff / vnd andere nothwen-
dige

dige Kirchendienst wider hindersich gehen sollen und
mögen. Und dieweil der hohe vnaussprechliche verderb-
liche Abgöttische gewel vñ Irthumb des Paps/so denn
zu fruchtbarer ausführung/vñ erlebigung dieser vnuerney-
denlichen Frag gar eigentlich sol und mus kund sein/
vnd bedacht werden /vorhin(Got hab lob) mit heiliger
Götlcher Schrift auffe reichlichst vñ gründlichst me-
niglich ist entdeckt vnd bekant worden/. Dennach/ vnd
damit ich hiern die leng/ so viel immer geschehen mag/
vmbgehe vnd abschneyde/ so wil ich allein etliche bewer-
liche/wichtige vrsachen vnd gründe / das wir zu bewas-
rung oder versicherung vnsers gewissens inn allwege der
Papistischen Kirchendienst/samplich vnd sonderlich, fort
hin auff ewig genzlich abgestanden bliben vnd entle-
digt sein sollen vnd mögen/ auffe kürzt vnterschiedlich
anzeigen vnd darthun.

Und anfanglich ist wol war vnd vnnerneinlich / Ob
gleich die Papisten mit ihren eigen zusetzen vnd Abgötti-
schen Misbreuchen/die heilig Tauff/ sampt allen andern
Ceremonien vnd Kirchendiensten greulich vnd lesterlich
befleckt vnd entehret / haben sie doch aus sonder gnediger
Gottes verschung vnd verhütung/ der Tauff Substanz
oder wesen/namlich Gottes wort/vnd das natürlich laute-
ter wasser/(gleich wie auch sonst den text der heiligen Bi-
blischen Schrift an ihme selbs.) klar vnd vnuermischet
bleiben lassen/vnd an stat vñ als diener der Eichen im ge-
brauch behalten/namlich mit Wasser vnd den ausgespro-
chen worten.(Im namen des Vaters vnd des Sons/vnd
des heiligen Geists.) getauft. Und dieweil kein Accidens
oder zufall die Substanz oder das wesen irgend eins
dings kan noch mag auffheben oder zernichten/ Als
zum Exempel/ob gleich ein Kirchendiener etwa einen text
der heiligen Schrift fälschlich einfürt vnd erkläret / So ist
vnd bleibt dennoch nichts mynder der Text an ihme selbs
warhafftig vnd heilsam/etc.

Das

Derhalben so volgt/das allen Kindern vnd andern/
so berürter zusetz vnd Misbreuch für sich selbs noch vn-
wissend/zuvor im Bapstumb getaufft sind worden / vnd
künstlich mögen werden/Solche ire entpfangene Tauff
durch den Glauben zu Heil vnd Seligkeit gewislich dienet
vnd wirket. Wie denn auch vormals im Judenthumb
die Hohen Priester vnd Kirchendiener viel vnzülicher
vnd aberglaubischer KirchenSatzungen vnd gebreuche
neben Gottes Gesetz vnd der Beschneidung erdacht vnd
gehabt haben/vnd dennoch das Gesetz vnd die Beschnei-
dung an sich selbs gutt vnd heilsam gewesen vnd blieben
sind.

Wann aber jemand der Göttlichen einsatzung der
heiligen Tauff vnd andern Ceremonien vnd Kirchendien-
sten/vnd hergegen der Papistischen zusetz vnd misbreuch
klar verstendiget vnd erkündiget ist / So sol vnd mag er
mit gutem oder reinem gewissen die Tauff vnd andern
Kirchendienst fürter bey oder von den Papisten weder
für sich selbs annehmen/noch andern/als den vnmündigen
Kindern/zuempfahen verheiffen.

Denn erstlich/wiewol wir der Göttlichen Ceremo-
nien vnd Kirchendiensten zum höchsten bedürffen/vñ son-
derlich vns der Herr Christus die Seligkeit zuerlangen an
die Tauff bindet/in dem er sagt. Joh.3. Es sey denn das
jemand geboren werde aus dem wasser vnd Geist/So kan
er nicht in Gottes Reich komen/Jedoch werden vnd sind
wir an die falschen vnd abgöttischen Lehrer vnd Kirch-
endiener des Bapstthums aus Göttlichem geheis nicht
allein nicht gebunden / sonder auch ernstlich gedungen/
vns derselben/als der wissentlichen Feind vñ lesterer Chri-
sti vnd seins Göttlichen worts vnd beuelchs/gantzlich zu-
ruffern vnd zuerschlahen/Wie geschrieben steht. 2. Cor.
6. Ziehete nicht am frembden joch mit den ungleubigen/
Dann was hat die gerechtigkeit für gones mit der vnges-
B ij richtig

Rechtigkeit: Was hat das liecht für gemeinschaft mit
der finsternis: Wie stimbt Christus mit Belial: Oder
was für ein theil hat der Glaubig mit den Unglaubigen:
Was hat der Tempel Gottes für eine gleichheit mit den
Götzen: jr aber seid der Tempel des lebendigen Gottes/
Wie denn Gott spricht/ Ich wil in ihnen wonen / vnd in
ihnen wandeln/ vnd will ihr Gott sein/ vnd sie sollen mein
volck sein/ Darumb gehet aus von ihnen/ vñ sondert euch
ab/ spricht der Herr/ vnd rüret kein vnreines an / So wil
ich euch annemen/ vnd ewer Vater sein/ vnd jr solt meine
Söhne vnd Töchter sein. Lewi. 26. Esai. 52. Item Ephe. 5.
Habt nicht gemeinschaft mit den vnfruchtbarn wercken
der Finsternis/ Strafft sie aber viel mehr. Item. 2. Jo-
han. So jemand zu euch kömpt/ vnd bringt diese Lehr
nicht/ den nempt nicht auff/ grüßet ihn auch nicht/ Denn
wer ihn grüßt / Der macht sich teilhafft ig seiner bösen
werck. Item Gala. 1. So jemand euch wird ein ander E-
uangelium predigen / weder das wir euch gepredigt ha-
ben/ der sey verflucht/ Das ist/ von Gott vnd seiner Kir-
chen abgeteilt vnd ausgeschlossen/ also/ das jr mit ihme
kein gemeinschaft haben noch seine Satzungen / als von
Gott verfluchte Ketzer vnd Abgötterey / annemen oder
aufrichten solt/ damit ewer Gotsdienst rein oder vnbe-
fleckt vnd angenehm sein vnd bleiben möge. Vnd 1. Cor. 10.
Flicht die Gözendienst oder Abgötterey.

Vnd diereil vns nun dcmassen durch Gottes
wort das verkerre vnd abgöttische Babstthumb zu flichen
vnd zu meiden hefftig auffgelegt vnd geboten ist / Daher
wir vns denn auch aus schuldigem gehorsam vom Babst-
thumb hieuor gethan vnd abgesondert oder enthalten ha-
ben/ So würde sich je vbel schicken/ vnd mit nichte zün-
men vnd leiden/ Das wir jezo von newem widder darzu
fallen/ vnd derselben Bestien zeichen / namlich ihre Gefez
vnd

vñ gravel/mit Gottes erschrecklichem zorn vñ vnserm jam
merlichen verderben wenig oder viel in einige weg annemē
oder besuchen vñ gebrauchen solten vñ wolten. Apoc.
16. Vnd were viel besser vñ treglicher / wir weren zuuor
im Bapstumb vnabgetreten verharret vñ blieben/ ja auch
des wegs der warheit vñ gerechtigkeit nie berichte vñ er
leucht/ weder das wir denselben erkant hetten / vñ doch
widder dauon kereten/ vñ also /wie die vnvernünfftigen
Zunde/vnser vorig eygen ausspriet widder auffschluck
ten vñ fressen / vñ vns / den vnreubern Seelen gleich
nach der Schwemb widder im tot welzten. 2. Pet. 2. Denn
zuuor hatten wir vnser Irthums durch vnser garage
ne vnwissenheit ein grosse entschuldigung haben mögen /
vñ desto weniger Gottes zorns vñ Fluchs gewarten
vñ erliden dürffen. In massen Christus bezeugt vñ
spricht Lu. 12. Der knecht/ der seins HErrn willen weis /
vñ hat sich nicht bereit/ auch nicht nach seinem willen
gethan/ der wird viel streich leiden müssen / Der es aber
nicht weis/ hat doch gethan/ das der streich wert ist /
wird wenig streich leiden/ Denn welchem viel geben ist /
bey dem wird man viel suchen/ Vnd welchem viel bevol
hen ist/ von dem wird man viel fordern . Welchs ho
hen vorteils der vnwissenheit / wir aber/ als der Warheit
verstendigt/ nun mehr entsetzt vñ beraubt sind / vñ nur
in mehrer straff vñ verderben vns einführen vñ kommen
würden. In Summa / begern wir durch die warheit
(welche Gottes Wort ist. Johan. 17.) ewig selig zu wer
den/ So müssen wir auch bey derselben/ nach dem wir sie
erkant vñ angenommen haben/ fürter one alles wancken
vñ umbsehen mit gehorsam vñ gedult bis ans Ende be
stendig sein vñ bliben/ vñ hergegen alle lägen vñ an
dere mittel vñ werck / widder die Warheit stimmen/
gantzlich fliehen/ vñ verlassen. Lu. 10. vñ 11. Matth. 4.
6. vñ 10.

Zum andern / So wir vns wider zum Babstumb
wenden / vnd alda einige kirchendinst besuchen vnd bege-
ren / würden wir auch in mehr weg hohe geweliche vnd
verderbliche Gotslesterung vnd ergernis allenthalben / wo
mann solchs sehe oder höret / dardurch verursachen vnd
geben / Nemlich die Halsstarrigen Papisten in ihrem ihe-
thumb vnd gewel nur mehr stercken / vnd zu der hoff-
nung führen / das wir ihnen noch mit der zeit in andern
stücken mehr künfftiglich auch zusielen vnd anhiengen.
Sampt dem / das sie auch statliche vrsach vnd behelff ne-
men / öffentlich auszuschreien vnd zulestern / wir bezeugten
selbs mit vnserm wider umbkeren / das wir vns vormals
vnbillich von ihnen abgeteilt / vnd eine besondere Religi-
on vnd Tauff fürgenomen vnd angericht hatten / vnd also
nicht vnser / sonder ihre Papistische Religion vnd Tauff
warhafftig vnd Gotselig sein müste vnd were. Davon sie
dem auch weiter fug vnd gelegenheit schepfften vnd er-
langten / vns vnd vnser heilige Religion auffß grimmigst
vnd gewaltigst selbs vnd durch ihren mechtigen anhang
nur immer vnd vnruhiger thetlich anzugreifen vnd zuuers-
folgen. Aus welchem allem dem fürnemlich der Göttliche
en Mai. höchste vnleidenliche vnehr vnd schmach / vnd
dem vns beide vor Gott vnd aller welt zeitliche vnd ewi-
ge billiche schand vnd verderbung erfolget vnd begegnet.

Darneben würden wir auch mit solcher vnser vnbe-
ständigkeit ihr viel / die noch auffir der Kirchen sind / vnd
doch mit der zeit hetten darein komen mügen vnd bekehrt
werden / erst recht ob vnser Religion vngereis machen oder
in verdacht führen vñ abschrecken / Dergleichen auch sonst
vnter vns die in Gott erleuchten vnd muthafften oder
beständigen / Ja auch den heiligen Geist selbs in ihnen /
herzlich betrüben vnd ergrimmen / Vnd zumal die schwö-
ren vñ in Gottes wortnoch vngegründet darmassen zag-
hafft vnd jrrig werden / das sie antwedert von der warren
Religion

Religion gar wider abwichen/oder darob in zweifel gerieten/vnd sonderlich zur zeit der anfechtung vnd verfolgung/nach dem von art niemand sich vmb gewisser sachen willen/zugeschweigen ob ichte noch zweifelhafft/des Creuzes vnd leidens gern verweigert vnd ergibt/die schuldig öffentlich erkentnis der warheit fallen lieffen/vnd damit die ewige seligkeit verwircken. Vnd was hohen gewels vnd jamers vnzulich mehr sein mag/so alles aus vnserm wanckeln vnd vmbkeren one zweifel erwüchs vnd volget/So wir doch viel mehr mit hertzhaffter beständigkeit vnd freyer bekentnis die warheit vnd Ehr vnserer einigen heiligen Religion alles vernünftigen schuldiglich solten fürden vnd preisen/die widersacher ihres verderblichen irthums vnd gewels erinnern vnd straffen/vnd zur heilsamen Bus dauon weisen vnd abschrecken/Vnd sonst aller enden die schwachen vnd vnersarnen zur Seligkeit erbarwen/stercken vnd erhalten helfen/Denn wir je zum selben anfanglich von Gott sind erschaffen/vnd nachmals auff theurest erlöst worden.Was vns aber/als vnsachern aus Gottes gerechtem Gericht vnd vrtel hiedurch bülich erfindet vnd zu lone fide/ist leider neben teglicher erfahrung auch die heilig Göttlich Schrift vol erschrecklicher dreyungen vnd Exempel.

Zum dritten / So könt auch diese oberzete hohe Gottsestörung vnd vaterbliche ergernis nicht mögen fürs kommen vnd verhüt/vnd darin vnser vnschuld bewart vnd vertedingt werden / Ob wir gleich vnser kinder zu Tauschen / oder einige andere Kirchendienst nach Christi einsetzung vnd befehl von den Papisten an stat der Kirchen ersuchten vnd begerten/vnd wider ihre Abgöttische zusatz vnd gewel vnser mündliche Christliche bekentnis thaten/vnd protestirten / Denn sie nichts weniger (wir wolten denn auff ihr weigern vnd abschlagen von ihnen vngeschafft wider abgehen/vnd die Kirchendienst vnempfangen an

gen anstehen vnd blaben lassen / welchs aber vnser vorig
ersuchen vnd begeren nicht allein vergeblich machet/son
der auch nur mehr vnrathe vnd gefahr stiftet) mit der
Tauf vnd andern Kirchendiensten nach ihren eigen
Satzungen vnd misbreuchen stracks verfahren vnd han
deln würden/vnd wir müsten jnen dazu mit hingehen vñ
tragen/auch beysein vnd darhalten/fürderung vnd hülff
thun vnd bewaisen. Nun aber heist eigentlich als denn
Gott vnd sein wort warhafft öffentlich bekennen / wenn
ihm ob allen dingen Ehr vnd dienst oder gehorsam erzei
get vnd geleist wirt/Welchs wir denn/als seine Creaturen
vnd tewr erkauft eigenthumb/nicht allein mit dem mund/
sonder auch aller oder ganzer vnser Substantz/als beide
mit laib vnd Seel / zu thun schuldig vnd pflichtig sind.
Denn was soll doch von einer solchen mündlichen bekän
nis beide von Gott vnd der Welt gedacht vnd gehalten
werden/So der laib mit sampe den andern seinen gliedern
darwider oder das gegenspiel thut vnd handelt Vnd ist
gewis / soll einig glied am laib vmb seiner vbertretung
willen in die hell kommen/So wird der mund / er hab
gleich auffß offenbarst anderst bekent/auch nicht dahin
den bleiben/Gleich wie auch sonst innerlich das hertz
sich des waren Glaubens mit nichte anmassen oder trö
sten vnd rhümen kan/wo nicht auch auswendig seine gu
te frucht vnd werck erscheinen/vnd darnach gelebt wird/
sonder mus nichts desto minder samptlich mit laib vnd
Seel/als beide an wurzel vnd fruchten ein toder oder fau
ler vnd entwichter Baum/des ausrentens vnd verbramens
gewislich gewarten vñ theilhaftig werden. Mat.37. Das
also in Summa nicht allein der mund / sonder auch der
ganze mensch beide mit laib vnd Seel vber alle ding zu
Gottes Ehr vnd dienst verhafft ist vnd bleibet. Daher
auch die Schrifft sagt. Deu.6. Ma.22. Mar.12. Du solt lie
ben Gott deinen Harn von ganzem hertzen/ von ganzer
seel

Seel/von ganzen gemüt / vnd von allen deinen krefftens
das ist/ mit ganzer deiner Substanz oder natur Got des
nen H^{er}ren ergeben vnd dienstlich sein vnd bleiben. Vnd
Math. 4. befiehlt Christus / das wir Gotte allein dienen
sollen/mit höchstem ernst/ Das wort aber (Wir) heist je
ja nicht allein vnser mund/sonder auch gar laib vñ seel/vñ
alles das wir immer habē vñ vermögē/wie denn der Apo-
stel hie oben/in dem er spricht vñ schafft/Wir sollen von
den verkerten vñ falschen Christen ausgehen/nicht gemein-
schafft oder genies mit ihnen haben / ihr vnreines nicht
anrühren/etc. solchs eben auch meint vnd wil / nach dem
je hierzu nicht allein hertz vnd munde / sonder auch der
ganze laib mit allen andern seinen gliedern vnd stücken ge-
hört vnd gebraucht wird. Vnd helt sich also mit diesem
dienst dem gemeinen Sprichwort nach/Allein mein/ oder
las gar sein. Vnd wie der Herr sagt/Niemand kan zwoei-
en H^{er}ren dienē/Entweder er wird einen hassen/vnd den an-
dern lieben/oder wirt einem anhangen vnd den andern
verachten/Mat. 6. Lu. 16. Vermant vnd warnet vns auch
deshalben/das wir vns mit allem fleis fürsehen vnd hü-
ten sollen vor der Phariseer vnd Saduceer saurteig/ das
ist/vor menschen lehre vnd sayungen / vnter den waren
Gottesdienst vermische. Matt. 16. Luc. 12. Denn auch gar
ein wenig Saurteigs verseurt den ganzen teig/nemlich/
wenn wir auch die allerwenigst menschenlehr neben Got-
tes wort zum Götzendienst einteilen/oder besuchen vnd ge-
brauchen/oder andern zuuerbringen zugeben vnd helfen/
das wir den ganzen vnsern Gottesdienst damit verderben
dergestalt / das er fürder vor Gott allerding vnrein vnd
verworffen wird vnd ist 1. Cor. 5.

Demnach so volgt/weil wir/als obsteht/zur Papi-
stischen Tauff/oder einigen andern Kirchendiensten/wo
nicht mit dem munde/doch sonst mit dem laib vnd seinen
gliedern helfen vnd dienen müssen/Das wir je hiemit der
C schul

schuldigē warē Christlichen vollkommenen bekentnis zu kurtz
thun vnd atßsprechen / vnd dervwegen des Bepßischen
wercks vnd gewalts / vnd also aller oberzelter Gottse-
sterung vnd ergernis / dadurch ernolgent / teilhafftig vnd
schuldig / ja auch vrsacher vnd stifter würden. Denn
wo wir anfanglich solche Kirchendienst nicht besuch-
ten vnd gebrauchten / So würde auch der Pfaff sein
werck oder vñwesen nicht thun vnd verbringen mögen/
gleich wie auch sonst ein Kriegsherr seinen Krieg / wenn er
nicht gelt / speis / vnd andere notturfft hülff vnd für-
drung hatte / oder auch dergleichen ein Kauffmann seinen
handel one keuffer nicht lang oder weit führen oder erhal-
ten vnd vorbringen könnte / Sampt dem / das auch obbe-
stimbte vermeinte vnser bekentnis . oder begern vnd pro-
testirn bey der Bepßischen Tauff oder andern Kirchens-
diensten / von sehr wenig leuten gesehen vnd gehört / ja
auch wol recht verstanden / Aber hergegen / das wir zum
Babstumb widder umbkert hatten vnd gangen waren /
schier menniglich one vnterscheid kund vnd offenbar /
vnd also hiemit die obangeregte hochverderbliche ergernis
zuuerhinderung Gottes Ehr vnd des nechsten heil-
durch vns warhafft eingefürt vnd verursacht oder gege-
ben würde. Was vns aber aus Gottes gerechtem zorn vnd
vrtail hieraus erwüchs vnd begegnet / thut der Herr Chris-
tus sehr erschrecklich deuten vnd anzeigen / da er spricht /
Matthei 18. Marci 19. Luce 17. Wehe dem / dadurch
ergernis komen / vnd der den geringsten meiner Gneibigen
ergelt / Denn es were ihme besser / er würde mit einem Müls-
stein / an seinen hals gehenckt / im tieffsten Meer versenckt
vnd ertränckt. Vnd eben vmb solche vnseglischen vñbels
vnd verderbens willen zuuerhätten / hat vns alle der Apo-
stel so ernstlich vnd treulich vermant / als er sagt. 2. Corint.
6. Last vns niemand irgend ein ergernis geben. Vnd Phi-
lip. 1 Prüfet was das best sey / auff das ihr lauter vnd vn-
anßō

anstößig seyð / Meidet auch allen bösen Schein. Vnd
vber das/ so were sehr gefährlich / ja auch schier gewis/
das in solchem vnserm besüchen der Bpstlichen Kirchen-
dienst/sonderlich wans die Oberkeit mit gewalt verschafft
vnd handhabet/vast der größt hauff oder theil gemelte be-
kenntnis aus furcht entweder heuchlich abbrechen / oder
gar umbgehen/vnd damit sein einzling vnd in vnbesorg-
tem kurtz/gar widder hinder sich ins Bpstumb gewone
vnd fallen/vnd also mit verhinderung vnd abbruch Got-
tes Reichs vnd Ehr/des Teuffels vnd seiner Römischen
Bestien macht vñ greuel von neuem erbarwet vnd geheuft
werde.

Solt aber berürte schlechte mündliche bekenntnis
vnd protestation genugsam vnd one that geschehen vnd
zuuerantworten sein können/So hatten wir vns je vnbil-
lich hievor vom Bpstumb abgeteilt/vnd eigne Kirchen-
dienste erwelt angericht/sonder schuldiglich / in vnd bey
dem Bpstumb verhart/süner Kirchendienste mit vnd ne-
ben solcher bekenntnis vnd protestation gebrauchen vnd
geniessen/vnd also sein stille vnd rüßig sitzen vnd bleiben
sollen vnd mögen. Vnd dicweil dermassen vnser vör-
rige absonderung / vnd eigene Kirchenrohal oder bestel-
lung vnrechtmessig vnd strefflich were / So müssen auch
fürter alle vnser Tauff vnd andere Kirchendienste ganz
nichtig/vnheilsam vnd vergeblich sein. Denn wer einer
Sachen nicht Recht vnd fug hat / des handlung dar-
in wird auch billich verworffen vnd für nichtig vnd
vnkrefftig gehalten. Was hoher schand vnd greuel
aber hieaus auch weiter erwüchs vnd verlief / würden
wir mit vnwidderbringlichem vnserm hertzeleid vnd
schaden nur zu frü vnd vbarmessig sehen vnd empfin-
den.

Zum vierten / Nach dem wir nun/ als obstehet/
C ij von

von den falschen vnd Abgöttischen Lehrern vnd Kirchendienern des Bapstthums (wie auch etwa die Aposteln vnd ihre mitgleubige von den verkerten Hohenpriestern vnd Schrifftgelehrten zu Hierusalem) allerding frey vnd vnuerbunden/ ja auch müssen abgescheiden vnd geauffert sein vnd bleiben/ So volgt auch weiter/ damit Gottes reich vnd Kirche gemehret vnd erhalten werde/ das wir zu den waren vnd reinen Kirchendienern vnter vnd aus vns selbs getrewe vnd geschickte Personen oder vervoalter fürnemen oder erwelen vnd bestellen mögen vnd sollen. Als denn aus Gottes bruehl vnd gnadenreicher wirkung von der Aposteln zeit an bis hieher in der Kirche ist gebrauchlich gewesen vnd geschehen/ vnd fürter bis ans ende der welt sein vnd bleiben wird. Vnd solch fürnemen oder erwelen vnd bestellen der Kirchendiener/ geschicht billich vñ ordentlich von eins jeden Orts der gangen gemeine/ oder an stat derselben ihrer Ältesten oder Oberkäten vnd Regieren/ inmassen auch der Apostel 1. Cor. 14. schreibt vnd gebet.

Wo aber zur zeit einfallender veruolung gemeine Kirchendiener nicht können oder wollen bestellt/ oder in ihrem beruff gesperrt vnd abgetrieben/ vnd derwegen die billich gemein Kirchenordnung nicht kan oder wil gehalten vnd gebraucht werden/ So hat ein jeder aus der Gemein für sich selbs zu vnuermadenlicher seiner vnd der seinen notturfft/ einen Kirchendiener zuerkiesen vnd zu brauchen/ oder wo er keinen andern bekommen mag/ oder in der veruolung eins andern (wie denn aus Christlicher lieb schuldiglich geschicht) vor gefahr verhüten vnd vbergehen will/ als denn den Kirchendienst selbs fürzunemen vnd zuerrichten gut fug vnd Recht/ Vnd ist fürter zur uerkürzung seiner vnd der seinen heil vnd seligkeit des orts an die Gemein oder Oberkeit/ weil sie durch die veruolung selbs Kirchendiener zuordnen vnd zuhalten verbiudet

hindert vnd gesperrt/ oder sonst nachlässig vnd seumig
wird/ eben so wenig/ als wenn sie auch selbs noch vngleich-
big vnd abgöttisch were/ oder sonst irgent an falsche vnd
Abgöttische Lehrer vnd Kirchendiener verhasst vnd ge-
bunden/ Vnd sol vnd mag gleicherweis der also von ihm
beruffen wird/ aus eruor derung Christlicher lieb/ die ihn
sonderlich in diesem wichtigen fall zu förderung Gottes
Ehr vnd des nechsten ewigen heils vnd lebens verbindet/
vnd zumal wo er sonst ein geordenter gemeiner Kirchen-
diener ist/ sich willig gebrauchen zu lassen/ mit friedlichem
gewissen keins wegs weigern oder entschlahen/ Wie denn
auch ihr keinen die Gemein oder Oberkeit / sie wölle denn
ihre Sünd vnd Gericht weiter mehrern vnd heuffen / mit
nicht hierin irren oder abhalten sol vnd mag. Vnd were
zumahl sehr erbermlich vnd greulich zu hören / das ein
solche Gemeine oder Oberkeit nicht allein für sich selbs
mit ihrem verderben zu der von Gott verbannten Bestia-
sehen Bestien wider umbwenden / vnd ihre zeichen vnd
greuel öffentlich annemen/ oder besuchen vnd gebraucht/
sondern auch andere / die allein auff ihr eigen gefahr
Gottes wort vnd beuelch gehorsamlich zuhalten/ vnd
frey öffentlich zu bekennen vnd zuehren begerten/ dennoch
abdringen vnd verhindern/ vnd dadurch den widerforsch-
ern zu ihrer verfolgung/ gleichsam hülff vnd förderung
mitteilen vnd berocyen wolte. Vnd hierin könt mit
nicht irren noch stat haben/ ob aus solcher sondern Kir-
chenwihal oder verrichtung etwo vnordnung vnd Secten
zu wachsen besorgt würde. Den gleich wie wir durch böses
das gut nicht sollen fürdern Ro 3. Also gebürt vns auch
nicht/ das gut vmb böses willen zu hindern. Zu dem/ das
auch diese sondere Freyheit nur so lang vnd ferr/ bis die
Gemein oder Oberkeit hierin ihres Ampts vnd beuehls
widder vngעהenbe ist/ vnd schuldige volziehung thut/
reicht vnd weret. Vnd wo nachmals einiger etwas be-

Sonders fürnehmen vnd handeln / vnd der Gemeind vnd Oberkeit gethaner billicher Ordnung vnd bestellung nicht genüßig vnd genolßig sein vnd geleben wil / Alsdenn sol vnd mag denselben / als einen ungehorsamen vnd auffrührer/die Oberkeit nach gebür fürwenden vnd straffen.

Sonst aber/als da es die vnuermeidlich not (weicher denn alle gemaine zeitliche Ordnung vnd Gesetz weichen vnd rhaum geben vnd lassen müssen) erheische vnd treibet/soll die sonder Kirchenwahl / oder eigen verrichtung / in alle weg one irung vnd vngewunden sein vnd bleiben/vñ eigentlich für einen waren ordentlichen Christlichen beruff vnd wirclichen oder gültigen gewald/keins wegs zuunterlassen noch abzuschlahen/gehalten vnd geweret werden : Daher denn auch das Papsthum selbs in solchem notfal / wo man die gemeinen Kirchendiener zur Tauff nicht bekommen vnd gebrauchen kan / erlaube vnd befilhet/ Das an ihrer stadt an jede andere gegenwertige Person tauffen soll vnd mag. Vnd / zu mehrer erklärung/Wie wenn ich sampt meinen Hausgenossen nur allein gienbig irgend vntern Türcken sess oder wonet/ Vnd der heiligen Tauff / oder einigs andern Kirchendienssts bedürffen oder nötig würde/Solt ich denn/vmb das mein Türckische Gemein oder Oberkeit mir keine Kirchendiener darstellt / solche verenderung oder veruvaltung selbs zu thun auch gespert sein vnd nicht Rechte vnd macht haben: Das sey fern/ Denn sonst würde ich nicht chr/es were denn meiner Gemein oder Oberkeit gefellig vñ gelegen / dürffen recht thun vnd selig werden / vnd also den menschen mehr weder Gott volgen/vnd gehorsam leisten vnd sein müssen. Welchs aber dem Spruch Petri. Acto . 4. Man mus Gott vber die menschen gehorsam sein/stracks entgegen / Ja auch ein rechte grobe vnd vnuerschampte Abgötterey vnd Gotslesterung wider die fürnehmsten vnd höchsten gebot Gottes were / vnd billich / des Satans graw

grawlicher hoffart vnd lesterung gleichmetsig gericht/mit
ewigem hellischen feur gescheind vnd gestrafft würde. Als
dann auch deraussen in der grossen mechtigen Stat Athen
allein Dionysius/mit etlichen gar wenigen durch den A-
postel Paulum zum Christliche glauben bekert/gehauset/
vnd one zweifel vngeacht seiner ordentlichen Oberkeit vnd
ganzen Gemeind / Dergleichen auch der Patriarch A-
braham vnter frembder Lands Oberkeit vnd Gancind/
den Kirchendienst mit Predigen / Beschneiden / Tauffen
vnd andern zu ihrer vnd der irigen notturft vnd heil an-
heims selbs haben verwalten vnd ausgericht/vñ dennoch
hierob keiner vnordnung oder Secten gründlich mögen
angezogen vnd beschuldigt werden. Gene. 12. 13. 17. 21.
Act. 1. Nu ist es je eben so viel / wenn wir in der Chri-
stenheit mein Gemeind oder Oberkeit die notwendigen
Kirchendienst nicht bestellt oder versorget/ Als so wir die-
selben die Türcken oder Papisten Gottseliglich mitzutru-
len versagten / Denn ich die notturfft für mich vnd die
meinen an einem Ort gleich so wenig als am andern hie-
rin bekommen vnd haben mag.

Derhalben so bin ich auch an einen teil so wenig als
an andern dis fals verhasst vnd gebunden/sondern mag
vnd soll nach meiner wahl vnd gelegenheit die nötigen
Kirchendienst selbs oder durch andere vertreten vnd aus-
richten. Ober das/so haben auch die Christlichen glieder/
ob sie gleich in der welt/von ein ander zerstrawet/an mehr
orten vnderschiedlich sein vnd wonen müssen / dennoch
an ihren Kirchen gütern vnd Freyheiten mit einander ge-
meinschaft vnd gleichen teil/Also das vnter andern son-
derlich auch ein jeder hauff an seinem Ort die Kir-
chendienst notturfftiglich für sich bestellen vnd ver-
richten soll vnd mag. Nun hat es je eben einerley gestalt
vnd meinung/so der hauff/darunder ich wone/semptlich
den Kirchendienst vnbesetzt / leßt/Als / wenn ich vnd die
meinen

meinen von ihme/wie von andern der Kirchen Gemein-
den/ mit leblichen antwesen abgesondert were/nach dem
mir von ein teil so wol als vom andern die notturft ver-
zogen vnd gespert wird/Darumb so mus je auch volgen/
das ich als ein mitglied/der notturfft vnd gelegenheit nach
die Kirchendienst selbs zubestellen oder zuerrichten gut
fug vnd recht hab. Solt aber ich oder sonst jemand sol-
cher Freiheit in sonderheit vnfügig sein oder mögen en-
setzt werden/So würde auch mein hauffe sumpetlich dies
selb nicht gehabt/vnd darumb sich deren zuuor mit bestel-
lung eigener Kirchendiener vnbillich angemast vnd ge-
braucht haben/vnd also aller solcher Kirchendienst mit
Tausen vnd andern/ als Gottes worts vnd beuelchs
mangelhafft/vnfruchtbar vnd vergeblich sein vñ bleiben.
Wer könt aber diesen als denn eruolgenden hohen vertar-
lichen irthumb vnd jamer gnugsam aussprechen oder
bedencken: Vnd helt sich hie nicht wie sonst in Weltlich-
en sachen/alda die Oberkeit zuuerhütung eins gemeinen
schadens einen sondern nutz abschaffen vnd sperren soll
vnd mag/Sonder dieser fall belangt Gottes Ehr vnd die
ewige Seligkeit/so on berürte sondere freiheit der Kirchen-
dienst/zumal der Tauff halben/verkürzt würde/ vnd die
angeregte vnordnung/die nur weltlich auch zuuor noch
vngewis vnd leichtlich/ vnd one sondern nachteil zuuer-
hüten oder abzukeren were/ vnseiglich weit/ ja auch so
hoch vberwigt/das wir darob/so wir anderst von Gott
auff ewig nicht abgehawen werden vnd verderben wol-
len/nicht allein einer zeitlichen vnordnung lieber gewarten/
sonder auch gar laib/ehr vnd Gut geduldiglich in gefahr
setzen vnd verlieren sollen vnd müssen. Woran denn am
meisten gelegen ist/das bleibe auch billich am wenigsten
gespert.

Also das vns auch dem allem nach vmb einigen
Kirchendienst wider hinderlich in das verkeret vnd von
Gott

Gott verfluchte Bapstumb gar kein not oder mangel/
Gottes reich berührend/ trabe noch verursacht/ Sonder
wir sollen vnd mögen sampelich oder sonderlich die not-
wendigen kirchendienste/ durch andere oder selbs Christ-
lich führen vnd verrichten.

Vnd zum fünfften vnd letzten/ Damit vber das alles
nicht jemand gedencke vnd verfürte werde / Wo einer
jetzgehörter massen eigne Kirchendiener für sich vnd die
seinen erwelet/ oder die kirchendienst selbs verwaltet/ wü-
de er dadurch beide sich selbs vnd die seinen gegen seiner
Oberkeit vnd andern in merckliche gefahr vnd schaden
zubeforgen verwickelen vñ stecken. Vnd drumb diesen sorg-
lichen vñrat vnd nachteil zu verhüten vñ abzuschneiden/
So müg vnd sol einer / als im fall der not / vnd aus lieb
dem nechsten zudienen/ von oben ein gefürten Götlichen
gebotten wol Dispensirn oder austraten/ vnd die angezo-
gene sonderer Freiheit der kirchendienst begeben vnd fallen
lassen / Sonder die Kirchendienst widder im Bapstumb
besuchen vnd gebrauchen. Dergleichen denn auch vor-
zeiten David die verbotten Scharobrott für sich vnd die
seinen one Sünde himam vnd gebraucht hat/ Item am
Sabbath widder das dritte Gebot die Aposteln Ehem
ausraufften vnd assen/ Vnd der 3^{er} Christus selbs die
gebrechlichen heil vnd gesund machet/ vñ sonderlich sagt/
Das der mensch nicht von wegen des Sabbaths / sonder
der Sabbath dem menschen zu gutem erschaffen vnd ein-
gesetzt/ vnd also der mensch ein Herr des Sabbaths/ nem-
lich nach seiner notdurfft vnd gelegenheit den Sabbath zu
wenden vnd zu gebrauchen mechtig sey.

Daraus je weiter erfolgt / das der mensch auch vber
die andern Gebot alle möge herrschen/ nemlich dieselben
in seiner vñ des negsten not vbergehen vñ verbrechen etc.
Wie denn Fleisch vnd Blut dem Crauz vñ leyden zuent-
flichen allerley wege vnd mittel von art begert / vnd sucht.

D

Vnd

Vnd daher ihr viel (wie wol wider Gottes klaren vnd ernstlichen willen vnd befehl/ vns in seinem heiligen Wort an mehr orten eröffnet vnd fürgeschrieben/ Den sie hienit leichtfertiglich vnd gräulich in Wind schlagen vnd verachten/vñ ihren vermeinten zeitlichen nutz vnd fürnemen der glori vnd Ehr Gottes fürsetzen vnd beschützen. Jachten vnd bestetten / Man möge gefertigkeit abzuwenden im Bapstumb das Euangelium wol predigen vñ anhören / vnd dennoch die eingerissene falsche Leher vnd Abgötterey unterschiedlich oder benentlich anzuzeigen vnd zu straffen/nicht allein ombgehen vnd ruhen lassen/ Sonder auch die verkarten vnd Abgötischen kirchendienst/ als den gewol der Opffameß vñ anders mehr/zumal im eusserlichen schen / so man nur im hertzen nichts dauon glaube vnd halte/one sünde verbringen vnd ansehen etc. Darüber denn auch die thewere klag vnd warnung Christi gehet/da er sagt. Matth.24. Es werden falsche Propheten vnd Christen auffstehen/ das auch die Aufferweleten / wo es möglich were / möchten versfürt werden. Demnach so müssen wir wol erkennen vnd bedencken/ das zweierley/nemlich gemeine natürliche/ vnd denn sondere gegebene gesetz Gottes sein. Die sondern gegebene Gesetz sind vnd betreffen die kirchengebrauch vnd andere weltliche Regiment vnd ordnungen. Vnd heissen vnter andern darumb sondere gegebene Gesetz/das sie nicht mit der natur erschaffen/noch zu aller zeit vnd allen enden gleich heilig sein oder gelten vnd bleiben dürffen/ sonder wann / wie/wo / vnd so oft es die vnuermeidlich not vnd gelegenheit (aber sonst auch nicht) erordnet vnd haben wil/ sollen vnd mögen vbetreten vnd auffgehbt vnd geändert werden. Demassen denn auch im alten Testament die kirchen vnd weltlichen Gesetz vñ ordnungen sind gewesen/ vnd im sal der not mehrmals vnd mancherley ubergangen worden/auch zu letzt gar gefallen vñ abtöwen. Die natürlichen

liche Gesetz aber sein die zehen gebot/vns von Got durch
Mosen fürgeschrieben vnd offenbart/Vnd werden daher
gemeine natürliche Gesetz genemmet/das sie Gott inn aller
menschlichen natur anfanglich erschaffen vnd eingepflanzt
hat/ vnd so lang die menschlich natur wera/nemlich zu
ewigen zeiten/vnd in allerweg vnd weise/als Gottes ewiger
vnuandelbarer ernstlicher wills vnd beuehl/genzlich vn-
geändert gelten vnd bliben/vnd bey verwirkung ewiger
wolffart vnd seligkeit mit höchstan gehorsam volköm-
lich müssen gehalten vnd volzogen werden / der massen/
das wir Leib vñ Blut/Ehr vnd Gut/vnd alles anders/so
jimmer auff erden ist vnd sein mag / begern wir anderst
Gottes huld vnd das ewig leben zuhaben vnd zubewaren/
ehr vnd lieber auffgeben vnd verlieren / weder mit ichte
dieselben natürlichen Gesetz vbertreten vnd verbrechen sol-
len.Das also wider das natürlich Gesetz inn keinen weg
eingerley Dispensation oder verhandlung zugegeben
wird vnd stat haben mag.Denn hie zeitlich weder vnser
leben noch alles anders/ sonder allein vnser gehorsam ge-
gen Gott vnd seinem willen vnd beuehl von nöten ist vnd
bleibt.Vnd vom verlust des hiygen/ haben wir nur einen
zeitlichen schaden zu empfangen vnd zuleiden/ Aber wenn
wir Gottes willen vnd beuehl vbertreten vnd ungehorsam
sein/ müssen wir Gottes ewigen zorn vnd fluch gewar-
ten/einnehmen vnd tragen/Vnd darumb mag keine höhere
not sein/weder die Gottes gehorsam gebürt vnd erwor-
dert/Vnd vns keine grössere oder schwerere gefehrlichkeit
vnd verterbung/denn so wir Gotte ungehorsam vñ brä-
chig werden/ erfolgen vnd begegnen.

Derhalben denn diese einige not vñ gefahr allen vnd
jeden andern nöten vnd gefehrlichkeiten weit fürgezogen
vnd bedacht werden sol vnd mus.Das aber obgemelter
massen von David vnd andern die eusseliche Feyer des
Sabbats om sünde verbrochen worden / Ist aus Ps.

sachen geschehen/ Das dieselb leiblich Feyer/ eben auff den Sabbath zuhalten/ in das gemein natürliche Gesetz nicht gehörig/ Sonder allein dem Judenthumb/ als eine Weltliche Polycey vñ Ordnung neben andern dergleichen mehr in vorgemelter weis vnd bescheidenheit zuuerbringen auffgelegt vnd beuolen ward. Daher denn volgend die Christenheit solche Feyer des Sabbaths gar auffgehebt/ vnd abgethan/ vñ nach ihrer Willkür vnd gelegenheit auff ein andere zeit/ als den Sonntag/ verwechselt vnd gestelt hat Welchs sie aber sonst/ wo diese Feyer des Sabbaths dem natürlichen Gesetz auch anhengig geweest were / keins wegs hatte macht zu thun gehabt/ Vnd vor Gott verantworten können noch mügen.

Der Sabbath aber dem Natürlichen Gesetz eingelebt / ist vnd weret in der Christenheit oder Kirchen Gottes alle tage vñ zeit auff ewig/ vnd wird allein recht warhafftig gefeyret vnd gehalten / wenn man denselben heiligt/ das ist/ Gottes Wort einfeltig vñ empfig hört/ glaubt vnd bewart. Vnd diese obernente erkenntnis des natürlichen Gesetzes/ nach dem sie durch die erbsünde in vns ser verunstelt/ vñ schier gar erloschen ist/ hat vns Gote der **3/EXX** eben umb das wir alle dieselben mit höchstem Ernst vnd gehorsam betrachten vñ halten sollen/ durch seinen diener Mosem fürgeschrieben vnd widder bekant vnd offenbar gemacht. **Exo. 20.** Mit ernstlichem befehl vnd drawen/ nichts darzu noch dauon zu thun. Vnd das verflucht sey/ der nicht alle wort disß Gesetzes erfüllet/ das er darnach thu/ vnd alles Volck soll darzu sagen/ Amen. **Deut. 4. 12. 27.** Denn er sey der **3/EXX**/ vñ wolle seine Ehr keinem andern geben/ noch seine rhum den Götzen/ das ist/ neben ihm nicht andern in einige wey/ Lob vnd dienst beweisen vñ volgen lassen. **Esa : 42.**

Wie wir denn auch nachgehend durch Christum allein vom verdammlichen anlagen vñ fluch/ vñ mit nichten von betürter schuldiger gehorsam des natürlichen Gesetzes erlöset

erlöset/vnd das wir denselben gehorsam volckömlich/nemlich/mit leib vnd seel/zu leisten ferner wider mögen willig vnd lustig ansehen vñ zunemen mit dem heiligen Geist begabt worden sein/Also das vns gleichwol vnser angerbte vnd hie auff Erden/oder in diesem zeitlichen leben bläbliche fleischliche böse art vnd eigenschafft oder Natur / wenn wir sie nur durch den Geist zeumen oder oberwältigen vnd tödten/vor Gottes gericht durch den Christlichen glauben weiter nicht schaden vnd verdammen kan noch mag/Aber so offft vnd lang wir in vns widder dieselb den Geist nach dem Natürlichen gesetz nicht regieren vnd obsigen lassen/vnd dauon ware Christliche Buthun vnd vmbkeren/werden wir wider des Todes sein / das ist/in Gottes vngnad vnd zorn fallen vnd bleiben müssen.Ro. 8. Gal: 4. Lu. 1. Nun ist je vnter andern gebotten des Natürlichen gesetzes auch begriffen / ja das fürnempft vnd höchst/ Das wir Gott vber alles lieben / ehren / vnd allein dienen/vnd alle Abgötterey flichen vnd meiden / darnach auch menniglich in keinen weg einige anstös oder ergernis geben noch vrsachen sollen.

Demnach so können vnd mögen wir auch zuuerhütung einiger vnserer eigen oder anderer leute lablicher gefahr vnd verfolgung/die öffentlichen verkerten vnd abgötischen Beshftischen Kirchendienst/sampelich vnd sonderlich/keins wegs mit gutem oder reinem gewissen besuchen vnd gebrauchen/sonder sollen vnd müssen vns fürter alleding dauon abziehen vnd entschlahen. Vnd im fall der not/für vns vnd die vnsern die Kirchendienst ehr selbs rein bestellen oder verrichten / vnd darob gegen vnserer Obrkeit vnd sonst menniglich alles zeitliche frey in die schantz ergeben vnd verlassen / auff das nur Gottes ehr vnd gehorsam nach dem natürlichen Gesetz/als Gottes ewigem vnuandelbarem einßlichem willen vnd beuehl/in allerweg vnuertezt bewart/vnd wir sampt vnsern negsten mit lab